



## **Polyanthea Sacra**

Ex Universæ Sacræ Scripturæ Utriusque Testamenti Figuris, Symbolis, Testimoniis, Nec Non E Selectis Patrum, Aliorumque Authorum, Sententiis, eruditis Interpretationibus, Similitudinibus, rarisque Historiis collecta, Et Copiosis, Exquisitisque Materiis Moralibus De Virtutibus Et Vitiis Pro ...

**Spanner, Andreas**

**Augustae Vindelicorum, 1702**

§. 5. Quos ament? quibus se socient?

---

[urn:nbn:de:hbz:466:1-79340](https://nbn-resolving.org/urn:nbn:de:hbz:466:1-79340)

deretur. S. Laur. Just. de S. Rich. Veneremur in Domino cives nostros, fidelissimosque adjutores, & militiae nostrae propugnatores egregios. Cooperatores eorum sumus pro nobis, ne supervacue in nobis laborasse videantur: gaudium enim illorum est fortitudo nostra. Ramirez ep. 5. Apoc. 3.

Plena sunt angelorum omnia, aër, terra, mare, Ecclesiae; quibus angeli profunt. Sed quorsum, inquit, haec innumerabilis multitudo angelorum, quasi nihil oculis videas, nihil manu attingas, nihil pedibus teras, quod infinitis non referunt angelis videatur? Adfunt Cherubim & Seraphim, qui dicunt Sanctus! Sanctus! Sanctus! Plenus est Mundus sanctarum virtutum, quia plenus est nequitiarum. Plenus est orbis terrarum remediis, quia plenus est laqueis. S. Ambrosius. Oct. 1. Pl. 118. apud Fernandium in Gen. 3. 13. sect. 26.

Magna dignitas animarum, ut unaquaque habeat ab ortu navitatis in custodiam sui angelum delegatum. S. Hier. in Math. c. 18.

Omnem creaturam sensibilem Deus armatam, & munitam creavit; alias veloci pedum cursu, alias unguibus, alias pennis, alias carnibus, alias denique dentibus. Hominem solum sic disposuit, ut virtus illis sit ipse Deus. S. Chrysost. in Math. 7.

## §. V.

*Angeli quos ament? quibus se socient?*

*Apparuit ei Dominus in convulle.* Gen. 18. 1. Cur Abraham, qui tam saepe orabat in montibus, & campis, non apparere angeli; sed sedenti ad ostium tabernaculi? Zachariae visus est angelus in templo. Luc. 1. 11. Significat, nihil in patrefamilias aequè mirandum, quam si domui suae praesit; ut in Sacerdote plus nihil probatur, quam si adsit domui Domini, suae domus non memor. Sacerdos, si procul sit à domo sua, ab Angelo recreatur; ab angelis, verò invisitur Patriarcha, si sit in ostio domus suae. Judic. 6. 11. *Cum Gedeon excuteret, atq; purgaret frumenta - apparuit ei Angelus Domini.* Delectat Angelus labore hominum. Tantis vir ab angelo invisitur non orans, sed laborans. Oliv. l. 10. Strom. §. apparuit &c.

*Fuerunt ei (Jacob) obviam Angeli Dei.* Gen. 32. 1. Cur nunc potius, quam alias, habuit obvios sibi angelos? S. Ambrosius. l. 2. de Jacobo c. 6. Perfectis, & fidelibus, divina solent esse praesidia.

*Angeli eorum in caelis.* Matth. 18. 10. Dignitas humilium apponitur ex Angelico ministerio prompto pro ipsis &c. Cajetanus hic.

*Apparuit autem illi angelus Domini.* Luc. 1. 11. Angelus laeta nuntiaturus apparuit ad altaris dexteram. Nusquam angeli certius in

*Polyanth. Sacr. Tom. I.*

veniuntur, quam ubi sanctis operibus vacatur. Did. Stella hic.

Deus, & Dei angelus, non apparent promiscue hominibus; sed iis, qui puro, castoque sunt animo. Titus Bostr. in c. 1. Luc.

Ob beneficentiam in proximos Angeli cum hominibus conversari non sunt designati, de qua re scribitur ad Hebraeos c. 13. 16. *beneficentia nolite oblivisci &c.* Isidorus Clarius l. 1. or. 61.

## §. VI.

*Angelorum imitatio.*

*Sicut Angelus Dei.* 1. Reg. 29. 9. q. d. Summe mihi gratus es, & summe mihi places; imò veneror te quasi angelum Dei. Est phrasia Hebraea, quae utuntur, cum quempiam valde laudare, & tollere volunt. Corn. à Lap. hic.

*Imitavit angelus Domini.* Pl. 33. 8. Angelus minister est voluntatis divinae: quapropter si vis te angelum fieri, fac, quod praecipit, ut liberes periclitantem, subvenias anxio, eripias innocentem. Cassiodorus hic.

Sunt novem ordines, Angeli, archangeli, quorum ad societatem, quia constat, Electos homines colligi, unumquemque in suo ordine, & eisdem sanctis Angelis similes fore, alios alii, secundum diversas Ordinationis eorum gradus, differentiisque claritatis &c. Rupert. l. 2. c. 15. in Gen.

Si ad angelorum in caelis consortia tendimus debemus vitam eorum in terris, quantum non noxia corpora tardant, semper imitari. V. Beda. l. 1. de tabernaculo c. 3.

Sicut in caelo sunt novem ordines Angelorum, sic sunt in hoc Mundo novem modi bonae vitae correspondentes novem ordinibus angelorum. Primus gradus bonae vitae, afflictio penitentialis. Secundus gradus, devotio spiritualis afflictioni addita: quando tales decedunt, collocantur in Ordine Archangelorum. Tertius miseratio addita afflictioni, & devotioni: tales in ordine Principatus. Quartus, patientia in ordine Potestatum. Quintus concordantia proximalis. Sextus, praesidentia in ordine Dominationum. Septimus, paupertas cum Thronis, Matth. 19. *sedebitis & vos &c.* Octavus, Sapientia cum Cherubim. Nonus, Charitas cum Seraphinis. S. Vinc. Ferr. l. 2. post D. 2. Paschae.

Absque dubio non est leve, vel facile, humanum animum Angelicam formam induere, & in supermundanorum quendam, & verè plus quam humanum habitum transire; spirituales pennas accipere, & se ad summa levare. O quoties necesse est, aurum suum in ignem mittere, & iterum retrahere; & nunc in hoc, nunc in illud, laetus vertere, crebrisque ictibus undiq; tundere; antequam gelicam formam inde excudat, Cherubimque producat. Richardus à S. Vict. l. 4. de arca myst. c. 6.